



Tambang feri Pulau Tioman ke tanah besar diturunkan

Oleh **TN Alagesh** - Disember 5, 2022 @ 12:07am
bhnews@bh.com.my



KUALA LUMPUR 26 OKTOBER 2022. Pemain JDT, Fernando Martin Forestieri mengasak penjaga gol pemain PJ City FC, Kalamullah Al-Hafiz Mat Rowi pada perlawanan Piala Malaysia Petaling Jaya City FC (PJ City FC) bertemu Johor Darul Ta'zim (JDT) di Stadium Majlis Bandaraya Petaling Jaya (MBPJ),. NSTP/ASWADI ALIAS.

ROMPIN: Bermula 1 Januari ini, penduduk Pulau Tioman hanya perlu membayar tambang feri RM20 sehala bagi perjalanan di antara pulau itu ke tanah besar.

Menteri Besar, Datuk Seri Wan Rosdy Wan Ismail, berkata pada masa ini, penduduk pulau itu perlu membayar RM50 untuk perjalanan sehala ke jeti Teluk Gading.

"Saya melawat Pulau Tioman semalam (Sabtu) dan penduduk memaklumkan kos bot ke tanah besar mahal. Apabila saya tanya berapa mereka mampu, kebanyakan memaklumkan RM20.

"Saya segera menghubungi Pegawai Kewangan Kerajaan dan adakan perbincangan dan ini akan membabitkan implikasi kewangan RM500,000.

"Saya umumkan berita baik itu yang akan memberi faedah kepada kira-kira 3,600 penduduk yang tinggal di beberapa kampung di pulau itu," katanya.

Beliau berkata kerajaan Pahang memberikan subsidi bagi baki tambang RM30 lagi itu.

Terdahulu, Wan Rosdy bertemu dengan nelayan ketika kempen pilihan raya Dewan Undangan Negeri (DUN) Tioman.

Dalam pada itu, Wan Rosdy berkata sebuah klinik ibu mengandung akan dibina di pulau itu dan ibu mengandung tidak perlu lagi ke tanah besar untuk bersalin.